


風陵文庫
文庫19
F 175
1



道光乙酉春鐫

鏡源遺照集

上邨草堂藏板

叙

余以鏡源錄已年所矣蓋取因源溯源以
究事物之所從出也已邨秋於書肆得陳
公元龍先生極致鏡源一百卷原一奉
旁燭無疆視余所輯更詳且備予復以云
顧天下大矣名物繁矣一鏡之明未必惠
始而无遺故陳公所照多予之所不及而

又

系之所照間亦有陳公所不屑及者爰以
鄰見補其缺畧顏曰鏡源遺照獨是陳公
家藏甚富又嘗 承明善化之庭讀人間
未見之書猶不能盡遺焉况孤陋如予者
乎嗣而輯之是託望于君子

嘉慶庚辰清明日涇江張均題于射陽

官舍



鏡源遺照集凡例

- 一書名鏡源止溯其源而不必竟其流故凡物之枝派雖繁皆削而不書以從簡約
- 一格致鏡源于物類甚詳而天時地理人類畧故是集于二處所補較多
- 一格致鏡源所有之物而未詳其根源及命名之所由來亦復補錄而題下書補注二字

鏡源遺照集目錄

卷一

天時上

卷二

天時下

卷三

地理上

卷四

地理中

卷五

地理下

卷六

人類上

卷七

人類下

卷八

政典

卷九

京官

卷十

外職

卷十一

科場仕進

卷十二

文藝

卷十三

婚姻

卷十四

喪葬

卷十五

廟宇

居處

卷十六

器皿

寶貨

卷十七

文具

武備

卷十八

衣服

飲食

卷十九

樂器

戲具

卷二十

艸木

禽獸鱗蟲

合于房心宋毫分也是夏殷已然不自周始也又按帝王世紀黃帝推分星次曰定律度自斗十一度至婺女七度曰星紀之次一名須女于辰在丑謂之赤奮若于律爲黃鍾斗建子今吳楚分野自婺女八度至危十六度曰元枵之次一名天黿于辰在子謂之困敦于律爲大呂斗建丑今齊分埜自危十七度至奎四度曰豕韋之次一名媯訾於辰在亥謂之大淵獻于律爲太簇斗建寅今衛分野自奎五度至胃六度曰降婁之次辰在戌謂之闍茂律爲夾鍾斗建卯今魯分野自胃七度至

畢十二度曰大梁之次辰在酉謂之作噩律爲姑洗斗建辰今趙分埜自畢十三度至東井十五度曰實沈之次辰在申謂之涿灘律爲中呂斗建巳今魏晉分埜自井十六度至柳八度曰鶉首之次辰在未謂之叶洽律爲蕤賓斗建午今秦分埜自柳九度至張十七度曰鶉火之次辰在午謂之敦牂一名大律律爲林鍾斗建未今周分野自張十八度至軫十一度曰鶉尾之次辰在巳謂之大荒落律爲夷則斗建申今楚分埜自軫十二度至氏四度曰壽星之次辰在辰謂之執徐律爲南呂

斗建酉今韓鄭分杼自氐五度至尾九度曰大火之次
辰在卯謂之單闕律爲無射斗建戌今宋分野自尾十
度至斗十度百三十五分而終曰析木之次辰在寅謂
之攝提格律爲應鍾斗建亥今燕分杼凡天有十二次
日月之所躔也地有十二分王侯之所國也故四方方
七宿四七二十八宿合一百八十二星東方蒼龍三十
二星七十五度北方元武三十五星九十八度四分度
之一西方白虎五十一星八十度南方朱雀六十四星
百一十二度周天三百六十五度四分度之一一度二

千九百三十一里分爲十二次一次三十度三十二分
度之十四各呂附其七宿周天積百七萬九百一十三
里徑三十五萬六千九百九十一里凡中外官常明者
百二十四可名者三百二十合二千五百星微星萬一
千五百二十星萬物所受咸系命焉此黃帝創制之大
畧也

二十八宿

補註

周禮馮相氏掌十有二辰十日二十八星之位注二十
八星卽二十八宿也日月會于其星卽名宿也按堯典

有星虛星昴之文則唐已有之矣蓋創自黃帝也

諸臣星

莊子曰傳說乘東維騎箕尾比于列星 鈞命決曰蕭

何爲昴星精 列仙傳東方朔爲歲星 類函造父五

星在傳舍河北王良五星在奎北 南唐書伍喬入廬

山浮屠夜夢仰視一大星旁有一人指曰此伍喬星也

羣芳譜太白之生夢長庚東坡之歿爲奎宿 史記

天官書文昌六星一曰上將二曰次將三曰貴相四曰

司祿五曰司命六曰司寇 晉天文志柱下史一星在

紫微宮內直尙書此左右記掌君之過明則史臣直尙

書五星在紫微宮內東南隅此八座尙書之象張衡曰

今之尙書郎是其職也欲大小相勻光潤有常吉 農

丈人一星在南斗南主農正之官明則豐稔女史一星

在紫微宮內柱史北此婦人之官掌記宮中之事 天

官星占少微四星在太微西南北一星名處土星大明

而黃澤則賢士舉用五星犯守之處土憂晉時月犯少

微會稽處士謝敷卒 宦者四星次帝座西南主侍者

帝旁闈人也以不明爲吉明則內臣專權

時憲書後列兩甲子

趙耘菘曰向來時憲書後止追列一甲子近日劉文定公奏請再列一甲子以便檢閱遂著爲例按春明退朝錄至道二年司天楊文鑑建言歷日六十甲子外請更留二十年太宗謂宜存兩甲子使期頤之人猶見本生年號飭司天監議行之是宋時原列兩甲子王棠云近代只列一甲子不知何時更定

置閏

堯典以閏月定四時成歲似閏始于堯然易云歸奇于劫以象閏五歲再閏則伏羲著曆時已有閏矣故史記云黃帝起消息正閏餘

泰平

風俗通泰階者天之三階也三階平則陰陽和風雨時社稷神祇各獲其所天下大安是爲太平庾信賦玉衡正而泰階平又漢書食貨志餘三年食進業曰登再登曰平三登曰泰平二十七年遺九年食然後王化流泰一作太按今人稱天下太平以此

日月姓名

老子歷藏中經日月者天之司徒司空也日姓張名表字長史月姓文名申字子光

日晷 補註

盧肇云周公之為政也土圭致晷則今之日晷自周公始

十時十位

叔孫穆子生卜楚邱之爻詞曰日之數十故有十時亦當十位杜註日中當王食時當公平旦為卿雞鳴為士夜半為皂人定為輿黃昏為隸日入為僚晡時為僕日

昞為臺

十二時

趙翼曰古無一日十二時之分左傳只言日有十時其分十二時而以干支為紀蓋自太初改正朔之後余按大撓作甲子支干相配則十二時已兆于此矣

四時八節

尸子神農定四時之序又云伏羲列八節而化天下

二十四氣

歷中二十四氣萬充宗謂始於漢之太初歷然逸周書

序周公辨二十四氣之應以天時作時訓則始于周矣
唐大衍歷議七十二候原於周公時訓月令雖有增益
然先後之次則同自後魏始載於歷董巴議曰伏羲造
八卦作三畫以象二十四氣

干支

月令章句大撓探五行之精占綱斗所建乃作甲乙以
名日謂之幹子丑等謂之支支干相配成六旬

驚蟄雨水更候

禮記疏漢初驚蟄為正月中雨水為二月節前漢之末
始以雨水為正月中驚蟄為二月節按夏小正正月啟
蟄而周公時訓則雨水在立春之後驚蟄之前則漢末
更候從時訓也

子鼠丑牛等

王子年拾遺記鄭康成夢孔子告之曰起起今歲在辰
明歲在巳既寤知命當終曰歲在龍蛇賢人嗟此見于
後漢者也漢以前未有言及者疑子鼠丑牛等起于後
漢時也王充論衡子水也其禽鼠卯之獸兔也然左傳
已有龍尾伏辰之語似不自後漢始也又事始云黃帝

立子午十二辰以十二獸名屬之

一雞二犬等

董勛問禮俗曰一日爲雞二日爲狗三日爲豬四日爲羊五日爲牛六日爲馬七日爲人八日爲穀按此說本於東方朔占書云其日晴所主之物育陰則災

建除等

淮南子天文訓寅爲建卯爲除辰爲滿巳爲平午爲定未爲執申爲破酉爲危戌爲成亥爲收子爲開丑爲閉日知錄建除之名始見太公六韜云開牙門當背建向破越絕書黃帝之元執辰破巳

推步

抱朴子黃帝精推步則訪山稽力牧

百六陽九

律歷志凡四千六百一十七歲爲一元一元之中有九度陽厄五陰厄四初入元百六歲有陽厄故曰百六之會陽爲旱陰爲水九七五三皆陽也故曰陽九之厄洪景盧續筆云呂歷志攷之其名有八初入元百六曰陽九次曰陰九又有陰七陽七陰五陽五陰三陽三皆謂

災歲大率經歲四千五百六十而灾歲五十七經歲常
歲也呂數計之每八十歲則值其一然則陽九卽當承
百六而言而王湜太乙肘後備檢則云四百五十六年
一陽九二百八十八年一百六陽九奇數也爲陽數之
窮百六偶數也爲陰數之窮皆厄會也又靈寶運度經
三千三百年爲小陽九小百六九千九百年爲大陽九
大百六天厄謂之陽九地虧謂之百六

大劫

釋典十方三世所有一切世界悉具四種相劫謂成住
壞空成而卽住住而續壞壞而復空空而又成連環無
端都將成住壞空八十轉輪結筭一十三萬四千四百
萬年爲始終之極數所爲一大劫也

穰飢水旱

貨殖傳計然曰歲在金穰水毀木飢火旱六歲穰六歲
旱十二年一大飢

章蔀紀元

後漢志至朔同日謂之章同在日首謂之蔀蔀終六旬
謂之紀歲朔又復謂之元淮南子十二年爲一紀十九

年閏為一章二十五年為積紀三統歷七十二歲為一
部二十部為一紀

載歲祀年

獨斷唐虞曰載言一歲莫不覆載也夏曰歲一歲稔也
商曰祀周曰年說文木星越二十八宿宣徧陰陽以其
歲行一次故曰歲文從步戌也穀熟一番曰季故文从
禾竹書疏叢抄商曰祀取祭祀一訖

鏡源遺照集卷二

須江張 均坦齋氏輯

新安吳映辰菊人氏校

己卯風

占候春己卯風樹頭空夏己卯風禾頭空秋己卯風水
裡空冬己卯風闌裏空

甲申雨

又甲申雨米暴貴春穀不收夏主傷禾秋六畜死冬人
病多諺云甲申猶自可乙酉愁殺人更逢壬子雨相牽

作久陰

芳春節

道經二月八日爲芳春節五晨大道君登玉霄琳房四盼天下

天慶節

月令通考宋真宗祥符元年正月三日天書降遂以爲天慶節大赦改元

迎富

韓鄂歲華紀麗注昔巢氏時二月二乞得人子歸養之家便大富後以此日出野採桑葉向門祭之云迎富圖經宕渠之地每歲二月二郡人從太守出郊謂之迎富

櫻筍厨

秦中歲時記長安四月已後自堂厨至百司厨通謂之櫻筍厨

千秋節

楊萬里揮塵錄唐宋帝壽辰各立節名自唐元宗始明皇實錄開元十七年百官上表請以八月五日爲千秋節天寶七年改爲天長節是也

火節

譚叢滇省六月二十八日各家束葦爲藁高七八尺凡兩樹置門前夜炳燎其光燭天稱曰火節謂弔忠臣王禕也禕受命入滇說元梁王降王反殺禕醢其肉也

降聖節

事物紀原唐會昌元年詔以聖祖降改爲降聖節宋祥符五年亦以聖祖降延恩殿爲降聖節

臘月祀竈

月令孟夏祀竈今臘月祀者按後漢陰興傳宣帝時陰子方臘日晨炊竈神形見子方再拜以黃羊祀之後至巨富故後人以臘日祀竈

壓驚錢

程史宋神宗元夕張燈王韶幼子案珠帽錦衣憑家人肩以觀爲姦人負去案亟納帽于懷遇內家車將入東華門案攀幟大呼姦人駭逸遂載呂入帝詢知韶子令開封府捕賊送案還賜壓驚金錢犀果此壓驚錢之始分歲

風土記除夕祭先竣事長幼聚飲謂之分歲

守歲

又曰蜀之風俗晚歲相餽問謂之餽歲酒食相邀謂之別歲除夕通宵不寐謂之守歲

走百病 度厄

京師元夕婦女相率宵行以消疾曰走百病帝京景畧婦

女羣遊過橋謂之度厄宛畧

燕九節

正月十九日都人集白雲觀游冶紛沓走馬捕博謂之

燕九節日下舊聞

女兒節

都人自五月朔至五日飾小女盡態極妍出嫁女亦各

歸寧呼為女兒節宛畧雜記

雙蓮節

賈子語林陳豐七夕以青蓮子十枚寄葛勃勃嚼未竟墜一子于水盆有喜鵲過汚其上勃棄之明早有並蒂花開於水面勃喜置几頭數日始房亦漸長剖之各得實五枚如豐來數即書其意呂報豐自此鄉人改雙星節為雙蓮節

飯盆

又云江淮俗十二月二十五日以松柏諸枝或加香焚之名曰燒松盆今鹽城亦然但盆中有飯名曰飯盆又歲時雜記除夕作蕡燭以麻粩濃油如庭燎今粩盆是也考韻會粩曰粥疑則飯盆卽古之粩盆也

打春

夢華錄立春前一日開封府進春牛入禁中鞭春縣置春牛于府前絕早府僚打春

中和節

唐李泌傳泌請自二月朔爲中和節因賜大臣戚里尺謂之裁度

雲開節

岳陽風土記岳州自元正獻歲鄰里以飲宴相慶至十二日罷謂其日爲雲開節

天穿

祝穆事文類聚江東俗號正月二十日爲天穿呂紅縷繫煎餅餌置屋上謂之補天穿

耗磨

章淵稿簡贅筆正月十六日古謂之耗磨日飲酒如社日官司不開倉庫

放偷

金俗正月十六許人偷盜雖犯不禁

龍擡頭

宛署記都人呼二月二日爲龍擡頭鄉民用石灰自門外蜿蜒布入厨中旋繞水缸呼爲引龍回

燈市等

成都古今記正月燈市二月花市三月蠶市四月錦市

五月扇市六月香市七月七寶市八月桂市九月藥市

十月酒市十一月梅市十二月桃符市

花朝

翰墨記洛陽風俗二月二日爲花朝節士庶游玩又爲挑菜節誠齋詩話東京二月十二日曰花朝爲撲蝶會提要錄二月十五日爲花朝事類賦百花生日是謂花朝

踏青節

壺中贅錄蜀中舊以二月二日爲踏青節費著歲華記

麗譜踏青節張公詠出萬里橋爲綵舫數十艘與賓僚分乘之歌吹前導號小遊江蓋指浣花爲大遊江也

浣花遨頭

陸游老學庵筆記四月十九日成都謂之浣花遨頭宴於杜子美艸堂滄浪亭傾城皆出錦繡夾道自開歲宴遊至是而止故最盛于他時予屢赴此集未嘗不晴蜀人云雖戴白之老未嘗見浣花日雨也唐杜甫傳甫於成都浣花里種竹植樹結廬枕江縱酒嘯咏與田夫野老相狎

九九消寒圖

帝京景物畧冬至日人家畫素梅一枝爲瓣八十有一日染一瓣瓣盡而九九畢則春深矣曰九九消寒圖

寧祝節

玉海宋徽宗政和三年以五月十二日祭方丘爲寧祝節

挂蒜

東漢禮儀志仲夏以朱素葷菜彌牟樸蟲桃印六寸施門戶卽今端陽挂蒜之始

錢財日

神樞五月初一屬錢財宜進財勿出財

寒食祭墓

唐書開元赦寒食上墓禮經無文近代相傳寢以成俗
宜許上墓同拜埽禮愚按孟子時有幡閒之祭者則上
墓之由來久矣

乞巧

西京雜記漢綵女以七月七日穿針于開襟樓此乞巧
之始 物原楚懷王初置七夕

分龍

占候書四月二十日爲小分龍五月二十日爲大分龍
晴分嬾龍主旱雨分健龍主水西北風分白龍主大水
東北風分青龍主小水圖經池州以五月二十九三十
日爲分龍節

朝節

圖經池陽不重端五而重夏至呂角黍舒雁相貽曰朝
節又遼史夏至謂之朝節婦人進綵扇呂粉脂囊相贈
天貺節

宋祥符四年詔以六月六日天書再降爲天貺節

天中節

提要錄五月五日午時爲天中節

三伏

史記秦德公二年初伏註三伏始于秦周無伏也王大可曰庚金伏于夏火之下金畏火故曰伏

三元

以正月七月十月之望爲三元自元魏始魏書孝文帝以太皇太后喪詔令長至三元日絕告慶之禮蓋其時道士寇謙之襲取張衡三官之說而配以三首月爲之節候耳唐書會昌四年勅三元日各斷屠三日宋方伎傳苗守信精道術上言上元天官中元地官下元水官各主錄人善惡皆不可斷極刑事下有司議此三元名之原委也

三時

農圃六書夏至後半月爲三時頭時三日中時五日三時七日武昌記五月有三時爲甘澤庾信詩五月炎蒸氣三時刻漏長麥隨風裡熟梅逐雨中黃

中秋

禮記天子春朝日秋暮夕月提要錄八月十五為月夕此中秋祭月之所由來也

六更

楊誠齋詩天上歸來已六更蓋宋忌五更之讖改作六更不知五更者五庚申之謂非夜之五更也

按開元遺事宮漏有

六更則不自宋始也

年號

年號始于漢武帝之建元

改朔

三代以後改正朔者秦以十月為歲首魏明帝景初元年建丑唐武后建子肅宗上元二年亦建子

改元

人以改元始於漢文帝非也史記秦惠文君十四年更為元年竹書紀年魏惠王有後元年此改元之始

忌月

日知錄唐新格以正五九為忌月今人以為不宜上在考唐書武德二年正月甲子詔曰正月五月九月禁屠

殺不得行刑戴埴鼠璞云釋氏智論天地釋以寶鏡照
四大神洲每月一移察人善惡正五九月照南瞻部州
唐人以此三月爲三長月不行死刑不上官因禁屠宰
按正五九月自是五行家言其傳已久不始于唐北齊
書文宣將受魏禪或曰五月不可入官是也

月忌

野語俗以每月初五十四二十三爲月忌衛道夫云前
輩說此三日卽河圖中宮之五數五爲君象故民不可
用

借春

唐冬至賜百官辛盤謂之借春

易旬爲浣

今紀上中下旬稱上澣中澣下澣丹鉛錄謂本唐制不
知起于漢侍從官每十日假一日休沐浣衣故名

十三月十四月十九月

陳寵傳十三月陽氣已至牛宏傳十三月不以太簇爲
宮便是春水不旺註十三月正月也金石錄曰古公緘
鼎有十四月戊命鼎有十九月是日齋記以爲嗣王卽

位雖踰歲不忍改元也汪師退作史記十表言秦漢之際陳涉起陳凡六月武臣起趙凡四月皆係以月而不年而其中有四十八月三十八月何以不年其時統無所屬不得以正元起數故也故管子亦有二十四月之文隨園隨筆

明月

次月稱明月左傳伯有為厲齊燕平之月公孫段卒國人愈懼其明月子產立公孫洩此次月稱明月之始
去月

北齊蕭吉奏隋文帝曰去月十六日皇后陵前有黑雲起此前月稱去月之始

外後日

陸放翁云今謂後三日為外後日偶讀唐逸史裴老傳乃有此語裴大厯中人則此稱已久

登時

俗謂俄頃間曰登時亦曰卽刻北齊書祖珽守北徐州會有陳寇珽令城中寂然寇疑城空不設備珽忽鼓噪聒天賊大驚登時退散

外國節候

續通考苗呂十月望爲歲首哈烈無正朔不用甲子巳
七日爲一周榜葛刺有十二月無閏天方與中國歷差
三日文獻通考高昌呂三月九日爲寒食波斯呂六日
爲歲首尤重七月七日十二月一日東女以十一月爲
正隋書康國呂十二月爲歲首唐書吐蕃以麥熟爲歲
首黠戛斯謂歲首爲茂師哀三哀爲一時呂十物紀年
如歲在寅則曰虎宋史占城定十一月十五日爲冬至
唐書骨利幹晝長夜短日入烹羊胛熟東方已明西域

志天竺國呂十一月十六日爲冬至則麥秀十二月十
六爲臘則麥熟北史黨項無文字但候艸木以記歲時
又云琉球望月盈虧以紀時節艸木榮枯呂爲年歲突
厥亦然文獻通考多菴國以十二月爲歲流鬼國不識
四時節序玉谿南詔呂十二月十六日爲星回節潛確
類書火州以三月九日爲寒食

井田

類函云黃帝以八家為井井開四道

市井

易云神農氏日中為市俗稱市井蓋因孟子市井之臣
春秋記因井為市故曰市井

埠頭

子才隨筆今所稱埠頭疑即柳子厚鐵爐步志江之滸
舟可廢而上下者曰步埠即步之訛正字通埠同步船
船埠頭

馬頭

通鑑史憲誠據魏博于黎陽築馬頭為渡河之勢注附
岍築土植木夾之以便兵馬入船謂之馬頭馬頭之名
始此

始廢井田九河

世謂商君始廢井田高士奇曰始于管仲作內政至秦
始盡壞耳九河之壞亦自管仲始詩緯謂移河為畋在
齊莒是也 鄭元曰齊桓公塞九河為一河

魚鱗冊

明太祖遣國子監生武淳等往各處隨其糧稅多寡定幾區區設糧長四人躬履田畝以量度之圖其田之方員悉書主名及田之四至編爲冊謂之魚鱗圖

都圖

今之某圖卽古之某里蕭山縣志改鄉爲都改里爲圖自元始呂每里冊籍首列一圖故名今省作尚廣韻尚同鄙

九州

冀州釋名地有險有易亂則冀治弱則冀強荒則冀豐也兖州取兖水呂爲名也春秋元命苞兖之言端也言隄精端故其氣纖殺也青州太康地記東方少陽其色青故名釋名取物生而青也徐州釋名徐舒也土氣舒緩也春秋元命苞言陰牧內安詳也揚州爾雅州界多水水波善揚故曰揚州又曰江南之氣躁勁厥性輕揚也荊州釋名取名于荆山也荆警也南蠻數爲寇逆當警備之也春秋元命苞荆強也陽盈物堅其氣急悍也豫州釋名地在九州之中東都所在常安豫也春秋元命苞豫序也言陰陽分布各得處也梁州以西方屬金

其氣強故曰梁州雍州釋名在四山之內雍翳也太康
記西北之位陽所不及陰氣雍闕故名并州釋名其州
或并或設因以為名太康地記并州不以衛水為號又
不以恒山為名蓋以其在兩谷之間乎幽州釋名在北
幽昧之地也營州釋名齊衛之地於天文屬營室取其
名也

省會

省者禁署也蔡雍曰本為禁中避元后父名改省中省
察也言入此中當察視也唐百官志官師之別曰省曰
臺今稱省會者借用也唐以中書門下尚書為三省宋
元以中書省為宰相所專治元末置中書分省于濟寧
彰德諸路設參知政事又置行中書省于江西江浙山
陝等處添設平章與直相等明興分天下為十三中書
省未幾改為十三布政司從此以官署為地名而有十
三省之說袁子才

州郡等

陳司業掌錄曰州分于黃帝虞十有二周復為九漢以
刺史部州舉大條察郡三國至南朝州漸增置然皆在

郡上隋改州爲郡唐州郡兼刺史與太守同明升州爲府其隸府之州秩反居太守下此州制之變更也春秋前郡屬於縣戰國後縣屬於郡秦分天下爲三十六郡漢郡與國錯置宋以來不復有郡稱漢司馬相如論巴蜀檄云檄下縣道縣有蠻夷曰道唐分道以統州郡初止十道後益增多明以刺史糾察十三道爲科道之道外有司道分轄州府皆原于唐也路之名惟宋有之府之名始于唐置都府分統諸州宋凡有藩封及巡幸之地皆升爲府自明以來無不府之州矣省以元建中書省而名軍以駐重而名明設十三布政司應名爲司而省之號相沿以熟至今不改

郡縣

左氏鄭伯請於楚莊王曰其浮諸江南夷於九縣趙簡子曰上大夫受縣下大夫受郡遠啟疆曰其餘四十縣大抵春秋時大國滅小國皆置爲縣不自始皇始也釋名郡羣也人所群聚也縣懸也懸係于郡也十四州記郡之言君也今之郡字君在左邑在右君爲元首邑以載民故取名于君而謂之郡也

直隸

直隸二字見宋史趙普傳普與帝謀令節鎮所領州郡皆直隸京師得自奏事不屬諸藩于是節度使之權始輕

江南 江西

爾雅江南曰揚州揚子法言楚分江西唐初分十道曰江南開元初又分十五道曰江南東道治吳郡江南西道治豫章江南江西之分昉此

山東 山西

古青兗徐三州之地稱山東者以在太行山之東也山西古冀州地在太行山之西故曰山西

河南 陝西

河南者以在黃河之南也 周公分陝其地在西故曰陝西

四川

說文川穿也水穿地中故曰川蜀江之水非一而岷瀘維巴為四大川四川之名昉此一曰宋南渡後始分益利夔梓為四路故曰四川

湖廣

潛確類書湖廣本詩漢之廣矣而名分道七有湖北上湖南下湖南之名余據岳陽風土記水經云洞庭湖廣五百里日月出没其中湖廣之名似以此湖南湖北之名亦以此

福建

潛確類書福建之名始于唐大歷中置福建觀察使

兩廣

漢建安十五年改南海為廣州此廣州之始梁天監五

年分廣州置桂州此東西二廣之始

貴州

潛確類書貴州之名起于宋前安氏家譜有宋初勅諭曰惟爾貴州遠在要服

浙江

史記水至會稽山陰為浙江盧肇曰浙折也取其潮出海屈曲而倒流也

雲南

潛確類書古徼外西南夷楚莊躋西畧王其地為滇國

漢武時彩雲見南中雲南之名始此

順天

永樂中呂北平行在所政府曰順天易言湯武革命順乎天而應乎人文皇靖難因以自命

名勝志

成都

類書蜀漢都此晉曰成都曰周太王遷岐一年成邑二年成都故秦先置縣曰成都

西安

類書漢曰長安以古有長安鄉即成蟫之所封明為西

安府曰漢有西安亭在鼎路門北對未央宮

松江

元至元中為華亭府尋改松江曰吳淞江名諱水為災故淞字去水別曰雲間

宛平

名勝志唐幽都遼始改為宛平釋名燕宛也北方沙漠平廣此地在涿鹿山南宛宛然為國都也

大興

本秦薊縣地金大德五年始改名大興

夔州

春秋夔子國唐曰夔州山海經岷山多夔牛注爾雅夔牛也州名取此

紹興

類書宋高宗避金蹕越改元紹興因以年號名府

金華

類書曰金星與婺女爭華故名又云在金華山之南故名

處州

又云晉永嘉郡隋曰處州曰處士星見于分埜因名

鳳陽

潛確類書元臨濠府明初名中立府取中天下而立之意後遷都南京始改為鳳陽以在鳳凰山之陽也

日本

又云日本即倭奴于海中諸夷為最大唐咸亨初倭名更名日本以日出處近也

暹羅

又云暹羅國本暹與羅斛二國暹乃漢赤眉賊遺種土

瘠不宐耕藝羅斛土田平衍多稼元至正閉合為一國
明洪武初進金葉表貢方物賜暹羅國王印綬

馬留人

馬援還留不去者十戶隋末至三百戶皆姓馬俗以其
寓故號馬留人與林邑分唐南境

唐南蠻傳

聞喜

漢地理志注聞喜縣故曲沃也武帝于此聞南越破改
曰聞喜

盩屋

西安府盩屋縣山曲曰盩水曲曰屋故名

正字通

寶雞

秦文公獵于陳倉山遇鷄于北版若石焉色如肝歸而
寶祠之曰陳寶山因名寶鷄後遂以之名縣

水經注

義烏

異苑東陽顏烏以純孝聞有羣烏銜鼓集其村烏口皆
傷一境以為慈烏銜鼓即于鼓處置縣名烏傷王莽改
為烏孝後改為義烏

金鄉

水經注漢魯恭穿山得白蛇白兔不葬更葬山南得金故曰金鄉山後以名縣

烏程

吳地理志烏程縣酒有名郡國志古烏巾程林居此能醞酒因名

青城

青城縣因山為名青城甲記黃帝徧遊五嶽封青城為五岳丈人

沐陽

厚邱縣後魏改曰沐陽以其在沐水之陽也周禮青州其浸沂沐縣得名以此

婺源

寰宇志以婺女繞城三面故名

祁門

唐永泰初方清偽置閩門縣後因其壘置縣以東北有祁山西南有閩門乃合名祁門

五河

咸淳七年本泗州涇澮沱崇淮五河口故名

宋史

射洪

梓潼水與涪江合流如箭因名縣為射洪

括地志

金陵

秦始皇埋金玉以厭天子氣故曰金陵

丹陽記

襄陵

漢地理志河東郡襄陵縣注晉襄公之陵因以名縣

內黃

彰德府內黃縣梁祖問李珽曰何謂內黃珽曰河南有

外黃下黃故此名內黃

五代史

無錫

漢無錫縣舊產錫至漢初錫殫故名無錫昔有樵者于

山下得古銘云有錫兵天下爭無錫寧天下清有錫診

天下弊無錫又天下濟

名勝志

黟縣

黃山舊名黟山秦置黟縣取義于此劉煦曰縣有石墨

嶺出石墨故也圖經云縣貢柿心黑木故名黟二說皆

鑿

江南通志

績溪

界內乳溪與徽溪離而復合如續故名

文獻通考

碭縣

應劭曰碭文石也其縣碭山出焉故以名縣

金壇

本曲阿地隋末土人保聚因為金壇縣

唐書志

嘉定

嘉定十五年析崑山縣置以年號為名

宋史志

句容

山形曲而有容曰句容

真誥

郟鄏

郟盡也言郟山至此而盡也

寰宇記

慈溪

潛確類書寧波府慈谿縣漢邑人董黯早孤事母盡孝

母疾嗜大隱溪水遠不能常致乃築室谿濱板輿就養

厥疾既瘳因名慈溪唐書開元十六年析鄞縣地置慈

谿縣

錢塘

杭州郡曹華信築塘每土石一石與一錢不崇朝而集

故曰錢塘

出錢塘記按史記始皇浮江下丹陽至錢唐則秦已有錢唐不自華信始也

餘杭

餘杭禹杭之訛杭舟也言禹至此舍車而登舟也

地理音釋

良常

良常者始皇曰巡狩之樂莫如山海自今以往良為常也全上

會稽

禹至此朝諸侯會計天下財幣故曰會稽

咸淳臨安志

餘干

梁武時童謠云王氣在三餘乃置餘干縣

九域志

桐城

桐城本春秋楚附庸桐國漢曰樅陽南齊曰呂亭隋曰同安唐書志至德二年更名桐城蓋因春秋桐國也

寶應

唐書地理志淮陰寶應縣注以上元三年獲定國寶更名

酸棗

述異記周秦閒河南雨酸棗遂生野棗因名酸棗縣

永清

唐天寶元年改益昌縣為永清取邊境永清之義

華亭

吳越春秋吳子壽夢立華亭于國之東吳志陸遜封華

亭侯唐天寶十載置華亭縣 江南通志

丹徒

古朱方地秦使赭衣鑿其處因謂之丹徒 南徐州記

宿遷

晉元帝宿軍儲于下相故曰宿預後置縣 輿地考 唐寶應

元年以代宗諱更名宿遷

太倉

春秋時吳王即其地置倉名太倉此太倉所繇名 太倉州志

貴池

梁昭明太子于此食魚而美故名貴池 萬花谷

石埭

以溪源有兩石橫亘如埭故名 寰宇記

無為

宋史太平興國三年以巢縣無為鎮建為軍宋白曰今

無為軍本巢之無為鎮曹操攻吳築城于此號無為城
江南通志

酒泉

酒泉城下有金泉味若酒 漢官儀

陳留

漢書陳留郡注留鄭邑為陳所并故曰陳留

猗氏

郡國志猗氏縣猗頓所居之地因以名縣

越巂

漢地理志越巂郡武帝元鼎六年開注故邛都國也有
雋水言越此水以彰休盛也

金城

清波雜志一曰郡在京之西金四方之行
又曰金城郡昭帝始元六年置應邵曰初築城得金故

曰金城臣瓚曰稱金取其堅也

天水

又曰天水郡武帝元鼎三年置郡前湖水冬夏無增減
因名

牂柯

又曰牂柯郡武帝元鼎六年開師古曰牂柯係船棧也
楚頃襄王遣莊躡伐夜郎軍至苴蘭楸船于岸而步戰
既滅夜郎以苴蘭有楸船牂柯乃改其名爲牂柯

日南

又曰日南郡故秦象郡武帝元鼎六年開更名言其在
日之南所謂開北戶以向日者

天門

名山記石門縣西二十五里吳永安中山石自然洞開
如門高三百丈孫休以爲祥置天門郡

合肥

水經注夏水暴長施水合於肥故曰合肥

漁陽

日下舊聞漁陽本漢舊縣以北有漁水因曰漁陽愚按
水經注秦發閭左戍漁陽則漁陽之名不自漢始又圖
經云漁山在縣西北三里郡在山之南故曰漁陽水遶
山下故曰漁水是縣因山而名非因水也

范陽

太平寰宇記魏黃初七年改涿縣爲范陽郡以涿在范

水之陽故名愚按秦末張耳陳餘為陳勝略地命蒯通說之范陽先下則范陽之名周秦已有之不自魏始也

平陽

山西平陽府堯都平陽即此以其在平山之陽也

荏平

水經注荏山名也縣在山之平陸故曰荏平

豐潤

日下舊聞玉田之永濟務金泰和中置豐潤縣縣產鹽故名豐潤

平谷

長安客話漢置平谷縣在盤山西故名盤陰四周皆山中則平地因名平谷

襄城

潛確類書襄城縣周襄姒生此通攷褒氏之國禹之後也今興元府襄城是其地

長沙

天文軫旁有小星曰長沙應其地故名周曰星沙秦漢曰長沙

瑞州 江西

宋曰高安改為瑞州以時有靈芝之瑞也

柳州 廣西

梁曰龍州陳曰象郡唐曰柳州呂地當柳宿也

漳州

釋文從水從章以水之清濁相雜而成章也

飛狐

遼地理志飛狐縣後周大象二年置廣昌縣于五龍城
即此隋仁壽元年改名飛狐相傳有狐于紫金嶺食五

粒松子成飛仙故名

通州

金天德二年改黎陽之通州為濬州陞潞州為通州取
糧運通濟之義 郡縣釋名

涿州

名勝志涿州因涿水而名呂水中嘗出此豕也

程鄉

萬姓統譜南北朝程販家貧力學里人服其行誼有不
平者質成于販風俗頓改號所居曰程鄉因呂名縣 程按

鄉屬今湖南郴州興寧縣郡置酒官醞于侯公下程鄉溪名曰程酒所出繭紬名曰程鄉繭

鏡源遺照集卷四

須江張 均坦齋氏輯

新安吳映辰菊人氏校

封邱

唐書夏后氏呂黃帝裔孫封父列為諸侯其地汴州封邱有封父亭即封父所居

虎邱

越絕書吳王闔閭葬三日金精上騰為白虎故名

帝邱

唐許敬宗傳帝次濮陽問此為帝邱何也對曰帝顓頊始居此故曰帝邱

闕里

水經注孔廟東南有雙闕故名闕

蒲阪

天中記蒲阪在平陽府蒲州晉文公呂蒲賂秦後秦還蒲因名其地曰蒲阪阪反古通用

瓜步

任昉述異記吳人賣瓜江畔故曰瓜步水際曰步湘中

有靈妃步是也

召伯埭

謝安傳安至新城築埭于城北後人思之名召伯埭

奔牛

白醉瑣言梁武帝掘鍾山得一僧于龕中僵坐不動寶志公曰此入定僧也可以磬醒之遂起而走至丹陽四十里化為牛奔去故名奔牛

倒馬坡

通州志倒馬坡在安德鄉都司平安倒馬處

牛驛狗站

元世宗中統三年自燕至開平立牛驛給鈔市車牛遼陽有狗站一十五處原設三千隻除死亡外實存二百八十八隻皆能馳遞文書

喜逢口

日下舊聞喜逢口古松亭關也昔有人久戍不歸其父求之不得適遇此山下相抱而笑喜極而死遂葬于是因謂喜逢口

許墅

吳郡志秦始皇求吳王劍白虎蹲于上遂西走至此失劍地裂爲池因名其地曰虎膠吳越時諱鏐改許墅

張家灣

通州南十五里張家灣元萬戶張瑄督運於此因名

落星灣

圖經廬山東有星墜水化爲石當彭蠡灣號落星灣

消暑灣

一統志消暑灣在吳縣洞庭西山吳王避暑處

茱萸灣

江南通志漢吳王濞開茱萸灣通海陵倉在江都縣東北二十里

清灣

鄱陽記清灣在縣東南七里隋開皇中太守梁文謙清潔取此水自供後人思其德號清灣

明月灣

一統志吳縣明月灣吳王常玩月于此因名

鵠灣

水經注黃鵠嶼西官船浦東謂之黃鵠岬岬下有灣因

日為鵠灣

虞城

水經注河水北出虞山涇傳巖厯傳說隱室俗名為聖人窟東有虞城即堯女妻舜以嬪于虞者今人呼為虞

城

龍城

齊地記平昌城有井與荆水通有神龍出入焉故名龍

城

長城

蘇代傳燕王曰齊有長城鉅防漢匈奴傳秦昭王築隴西北地上郡長城趙築陰山高闕長城遼陽襄平長城燕築之是長城不自始皇始也

臺城

六朝朝廷以禁省爲臺故稱官軍爲臺軍禁城爲臺城法令爲臺格使者曰臺使

石頭城

江乘地記石頭城山嶺嶂千里相重若一游歷者以爲吳之石城猶楚之九疑也山上有城因呂爲名漢建安

十六年吳孫權修理改金陵爲石頭城金陵志周顯王三十八年楚城石頭曰金陵邑漢建安十七年吳改名石頭城

受降城

史記漢使貳師將軍李廣利西伐大宛而令因杆將軍築受降城唐張仁愿傳仁愿請乘虛取漠北地築三受降城絕虜南寇路

錦官城

錦繡萬花谷成都府城名錦官城以江山明麗錯雜如

錦也

成都記孟後主於成都城上種芙蓉如錦因名錦官城

蕪城

鮑昭蕪城賦注孝武帝時臨海王子項鎮荊州昭為參軍隨至廣陵子項叛逆昭見廣陵故城荒蕪乃漢吳王濞所都亦叛逆為漢所滅感為此賦以諷之

夫人城

晉書朱序傳鎮襄陽苻堅攻之序母登城謂西北角當先受弊領百餘婢并女丁於其角斜築城二十餘丈賊攻潰西北角眾守新城賊引退號夫人城

不夜城

三齊畧記不夜城古有日出於東萊故萊子以不夜名城

金斗城

潛確類書金斗城舊志合肥號金斗呂其分埜入斗度多也

馬邑城

又云朔州馬邑城秦人築此將成數崩忽有馬旋走其地父老異之因依呂築城立就因名馬邑城

霸橋

水經注霸水古曰滋水秦穆公更名曰顯霸功水上有橋謂之霸橋

盧溝橋

金章宗紀盧溝橋大定二十九年作明昌三年三月石橋成在順天府西盧溝河上

飛騎橋

廬州府志孫權為張遼所襲橋板徹丈餘權策馬超度因名飛騎橋

萬里橋

名勝志萬里橋諸葛亮送費禕聘吳曰萬里之行始于今日故曰萬里橋

雙龍橋

六安州雙龍橋相傳張路斯鄭祥遠化為龍戰此故名

七星橋

華陽國志李冰造七星橋上應七星

昇仙橋

潛確類書昇仙橋在蜀郡城北魚鳧王張伯子俱乘虎

仙去橋因呂名長卿東遊題其柱曰不乘駟馬車不復過此橋

胯下橋

一統志淮安府城西胯下橋卽韓信爲少年所辱出其胯下處

丁卯橋

一統志丁卯橋在鎮江府城南晉元帝子哀鎮廣陵運糧出京口因水涸奏請立埭用丁卯日後人建橋遂名唐許渾築別業於橋側

洛陽橋

潛確類書洛陽橋在福建泉州府跨洛陽江一名萬安橋郡守蔡襄建慮潮浸不可呂人力勝乃遣吏檄海神吏酣睡于海涯半日文書已易封矣歸呈襄啟之惟一醋字襄悟曰神令我廿一日酉時興工乎至期潮果退凡八日夕而工成

白鶴橋

句容縣東白鶴橋相傳大茅君每歲十二月二日駕白鶴會羣仙于此

賽公橋

五雜俎金陵城沈萬三造數橋樓自以為能詡其子婦
婦出已財為之其宏麗又倍于沈故名賽公橋

寶帶橋

潛確類書寶帶橋去蘓州府城五十里跨澹臺湖唐王
仲舒捐帶築此故名

藍橋

又云藍橋在西安府藍田縣即裴航得玉杵白娶雲英
尾生期女子抱柱而死處

陽關

清波雜志漢將陽興敗逃出此關因曰陽關按此入西
域關名若左傳齊高厚圍臧紇于防師自陽關逆臧孫
則在泰山鉅平縣東後漢書光武將數千人徼王莽兵
于陽城則在洛州陽翟縣又華陽國志巴楚相攻故置
陽關則在涪州

居庸關

呆齊稿居庸關在昌平西北四十里始皇築長城息庸
徒于此故名

函谷關

西征記關城路在谷中深險如函故名余按函谷峭函之谷也

山海關

統志山海關其北為山其南為海實險要之地徐達移榆關于此改名山海

潼關

水經注河在關內南流潼激關山因謂之潼關灌水注之述征記所謂潼谷水也或謂因水以名地也

雁門關

一統志雁門關在山西馬邑縣東南山岩峭拔中有路盤旋崎嶇絕頂置關南通代州山海門之山無艸木注雁門山即北陵西喻雁之所出因呂名

鬼門關

輿地志交趾鬼門關南多瘴癘去者罕得生還按此關在廣西容州北流縣之南兩石相對馬援討林邑蠻經此立碑石龜尚存

玉門關

漢書西域傳東則接漢阨呂玉門陽關西則限巨葱嶺
注二關皆在燉煌西界今沙州也

子午關

郡縣志長安縣王莽通子午道因置子午關

雞頭關

潛確類書漢中府褒城雞頭關口有大石如雞頭故名

崑崙關

崑崙山在廣西南寧府城東山勢險隘上有關狄青破
儂智高于此

倒馬關

潛確類書唐縣倒馬關岐路險峭馬爲之倒因名漢時
築

輟轅關

地理通釋河南緱氏輟轅關道路險隘凡十二曲將去
復還故名後漢河南尹何進置八關此其一也

天井關

蔡邕曰太行山上有天井關在井北遂因名焉

虎牢

穆天子傳七萃之士擒虎獻之天子天子命為牢畜之
東虞爰名虎牢

世界

世界見首楞嚴經佛告阿難言世為遷流界為方位東
西南北東南西南東北西北上下為界過去未來現在
為世

萬歲山

楞齋客話望氣者謂韃靼國土山有王氣金人鑿掘運
載其土抵幽州積為山疊石玲瓏峰巒隱映松檜陰鬱
秀若天成引水至絕頂出石龍口中注方池伏流有石
刻蟠龍昂首噴水東西流入太液池名萬歲山即瓊花
島

黍谷山

長安客話黍谷山在白河東亦名燕谷古今譚懷柔勝
蹟者必曰黍谷回春即鄒衍吹律而煖氣至之故也

抱犢山

郡縣志山在獲鹿縣本名菴蔽山韓信伐趙使人持赤
幟登蔽山而望即此後魏葛榮之亂百姓抱犢而上始

改今名

大翻山

水經注大翻小翻山延慶人王次仲爲隸書秦始皇三
徵不至令檻車送之次仲化爲大鳥飛去落二翻于斯
山故名

茅山

茅山記山本無名因茅君而名茅君內傳西漢茅盈咸
陽人修道隱句曲山盈二弟固爲執金吾衷爲五官大
夫西河太守聞兄昇仙皆棄官尋求遇兄于東山傳曰
妙道並仙去盈位東岳上卿司命真君固位句曲真人
定錄右禁郎衷位三官保命司各治一峯

鄧尉山

蘇州府西光福里漢鄧禹所居名鄧尉山

支硎山

蘇志平石爲硎山有平石又固支遁隱此故號支硎

虞山

虞山在常熟相傳虞仲隱于此故名

洞庭山

吳地記洞庭湖中包山有石穴卽十大洞天之第九林屋洞天也洞壁上下皆金色有石乳瑩白如玉所謂金庭玉柱是也

長白山 補注

名勝記長白山橫亘千里巔有潭南流爲鴨綠江北流爲混同江又山東濟南府長白山述征記曰其雲雨常白又名常白山

九疑山

水經注營水西流逕九疑山下羅巖九舉異嶺同勢遊者疑焉故曰九疑大舜窆其陽

玉笥山

漢武帝時有玉降于笥故名山在江西峽江縣

峩眉山

水經注峩眉山去成都南千里然秋日清澄望見兩山相峙如峩眉焉

金山

九域志唐有僧獲金江中因而建寺故名

武夷 補注

通雅彭祖二子長曰武次曰夷所居山遂名武夷

幕府山

六朝事迹建康城西幕府山晉元帝渡江丞相王導建幕府于此因名之

雁蕩山

夢溪筆談温州雁蕩山自古圖牒未嘗言者祥符中造玉清宫伐山取材方有人見之此時尙未有名按西域書阿羅漢諾矩羅居震旦東南大海際雁蕩山芙蓉峯龍湫唐僧貫休爲諾矩羅贊有雁蕩經行雲漠漠龍湫晏坐雨濛濛之句此山南有芙蓉峯前瞰大海然未知雁蕩龍湫所在後見此山頂有大池以爲鴈蕩下有二潭以爲龍湫皆後人以貫休詩名之也

鹿門山

襄陽記舊名蘇嶺建武中襄陽侯習郁立神祠于山刻二石鹿夾神道口俗因謂鹿門廟遂以廟名山

會稽山

十道山川攷紹興府會稽山禹于此會諸侯計因名

摩笄山

史記趙襄子姊為代王夫人襄子請代王使厨人操銅料行斟擊殺代王其姊摩笄自殺代人憐之名為摩笄山

縉雲山

雲笈七籤黃帝鍊丹時有非紅非紫之雲是曰縉雲因以名山

駐驛山

唐書貞觀十九年六月帝師至安市城高麗別將來援李世績奮擊上自高峯臨之高麗降因名駐驛山

九華山

李白詩序青陽九子山上有九峰如蓮花余乃削其舊號加以九華之目愚按晉隆安五年杯渡禪師創寺于此名九華則在李白前矣

盤山

薊州盤山本名四正古有田盤先生自齊而來栖遲此山因名盤山

廬山

九江志匡谷先生姓匡名谷商周之際遁世隱居廬于此山故號匡廬 補注
杜陽雜編漢封真人匡裕為越廬君遂名其山為廬山

寰宇記匡裕兄弟七人結廬于此仙去宮廬尚在故曰廬山

地理中

射的山

孔臯會稽記永興縣東南有射的山遠望如射侯故謂之射的西有石室壁方二丈謂之射堂傳云羽客之所游憇土人以此占穀貴賤射的明則米賤暗則貴諺曰射的白斛一百射的元斛一千

四明山

孔靈符會稽山記四明山高峰軼雲連岫蔽日道書謂丹山赤水洞天上有四窻穴通日月星辰之光故號四明

天壽山

日下舊聞順天府北天壽山名始于成祖駐蹕於此飲酒適值萬壽之期羣臣上壽故名

梅嶺

史記索隱豫章有梅嶺相傳曰梅將軍名越絕書越王子孫姓梅氏秦并六國越王踰零陵往南海越人梅鎬從至臺嶺家焉而築城澗水上奉王居之鄉人因謂臺嶺為梅嶺及統衆歸吳芮留其將庾勝兄弟守梅嶺又稱大庾嶺

韓山

潛確類書韓山在潮州海陽治東頂有三峰形如筆架韓文公守潮常游此因名有文公祠祠旁有木郡人以其花之繁稀卜科第盛衰因名韓木

勾漏山

又曰勾漏山在梧州府北流石峰千百從平川中特起其巖穴皆勾曲穿漏故名

五指山

又曰五指山在瓊州定安南五峯屹立如人指故名一

云婺女星常降此山名黎婺山一云昔雷攝一蛇卵在山中生一女有交趾蠻過海採香因與野合其後子孫衆多是爲黎人之祖故曰黎母山黎人居山四旁內生黎外熟黎

黃山

羅願新安志黃山舊名黟山黃帝嘗與容成子浮邱公合丹于此唐天寶六年敕改爲黃山趙東山曰黃山隴然居中委和四表有坤道焉故曰黃山

浮槎山

廬州府東浮槎山俗傳自海上浮來山頂泉極甘美歐陽修作記

冶父山

濡須志歐冶鑄劍處山比衆山特尊故曰父魏地理志廬江郡有野父山卽此

毛公山

廬江縣志毛義隱此山有毛公讀書洞旁產白牡丹相傳義父母甚愛此種義望天哀籲少頃遍山雪墜皆花後遂種延不絕蓋天生異卉也

紫芝山

無爲州志城南紫芝山宋皇祐間產紫芝三百五十本州守茹孝標獻于朝賜今名

五臺山

代州五臺山五峯高出雲表頂皆積土有似于臺故曰五臺

首陽山

晉地理志蒲坂有雷首山夷齊居其陽所謂首陽山也

